

Headline	PRODUK USAHAWAN SISWAZAH		
MediaTitle	Utusan Malaysia		
Date	26 Jan 2015	Color	Full Color
Section	Supplement	Circulation	178,211
Page No	1to3	Readership	534,633
Language	Malay	ArticleSize	2489 cm ²
Journalist	N/A	AdValue	RM 49,193
Frequency	Daily	PR Value	RM 147,580



ISNIN 26.01.15

UTUSAN MALAYSIA

Mega

Inovasi
MESIN KUIH DONAT 

Program FMBioSis
anjuran FRIM-MTDC
lahir bionusahawan

PRODUK USAHAWAN SISWAZAH



Headline	PRODUK USAHAWAN SISWAZAH		
MediaTitle	Utusan Malaysia		
Date	26 Jan 2015	Color	Full Color
Section	Supplement	Circulation	178,211
Page No	1to3	Readership	534,633
Language	Malay	ArticleSize	2489 cm ²
Journalist	N/A	AdValue	RM 49,193
Frequency	Daily	PR Value	RM 147,580

fokus FAKTA

Menerusi program FMBioSis Ciera Eco-Friendly Multi Purpose Disinfectant berjaya dihasilkan iaitu produk yang berkesan terhadap patogen yang lazim dan juga superbugs *Methicillin-resistant Staphylococcus aureus* (MRSA) dan *Vancomycin-intermediate Staphylococcus aureus* (VISA) pada 2008.

PROGRAM pembangunan keusahawanan berasaskan produk penyelidikan bukan perkara baharu dan ramai dalam kalangan mereka menemui kejayaan. Antara program yang telah mula menampakkan hasil ialah Program Pembangunan Bisousahwanan Siswazah FRIM-MTDC (FMBioSis) yang merupakan inisiatif Malaysia Technology Development Corporation (MTDC) dengan Institut Penyelidikan Perhutanan Malaysia (FRIM).

Program FMBioSis diperkenalkan pada 2008 bagi mencungkil bakat keusahawanan dalam kalangan siswazah yang sedang mengintai peluang mencuei bidang yang mereka inginkan.

Bagi program pertama, sebanyak 10 syarikat terbitan telah diwujudkan dengan asas perniagaan mereka berdasarkan penyelidikan yang pernah dijalankan oleh saintis FRIM. Ini termasuk herba, makanan kesihatan dan perajagan serta dandanannya.

Dua syarikat yang mula menapak kukuh dalam pengeluaran produk hasil penyelidikan FRIM menerusi program tersebut ialah Nature Profusion Sdn. Bhd. dan Nourish Care Sdn. Bhd.

Nature Profusion dibangunkan oleh Pengarah Eksekutifnya, Wan Sabariah Shuib dan telah enam tahun terlibat menghasilkan produk pembersih serba guna berasaskan tumbuhan dan herba.

Pada dasarnya, usaha beliau tidak sebegini mudah tetapi berbekalkan prinsip tidak takut gagal dan semangat yang cekal, Wan Sabariah, 30, mampu membina perniagaan tersebut dan menjadikan syarikatnya berdiri teguh sehingga ke hari ini.

Menurut Wan Sabariah, berbekalkan minat mendalam, beliau berusaha gigih dan menjadikan dirinya lebih matang dan berpengetahuan luas dalam bidang yang baru diterokainya itu.

Selain itu, beliau lebih memahami potensi pasaran dengan menghasilkan produk yang mempunyai permintaan,



Ceburi industri herba

Wan Sabariah tidak gentar tewas dalam perniagaan

Oleh AQILAH
MIOR KAMARULBAID
aqilah.mks@gmail.com.

berkualiti dan menarik minat pengguna. Menjadikan tokoh korporat, Tan Sri Syed Mokhtar Albukhary sebagai idola, beliau mengaku bahwa keberanian melibatkan diri dalam bidang perniagaan bukan sahaja perlu memiliki kesungguhan, kesabaran dan bijak malah kejujuran dan amanah dalam melaksanakan tanggungjawab juga perlu disemai dalam hati.

Malah katanya, menjadi satu cabaran besar untuk menerokai pasaran yang banyak persaingan dengan nama-nama yang gah di pasaran.

Beliau yakin dengan produk keluaran syarikatnya yang membawa konsep pembersihan rumah dan diri ke arah transformasi yang lebih bersih dan selamat.

Dengan sokongan rakan perniagaan dan melalui pembacaan serta kajian mengenai produk yang ada di pasaran, beliau yakin produk pencuci serba guna, Ciera yang berasaskan bahan aktif daripada tumbuhan seperti ekstrak lidah buaya dan teh hijau boleh diterima ramai.

Ini kerana bahan utama yang digunakan itu tidak mempunyai kesan buruk jangka panjang kepada kesihatan manusia atau alam sekitar.

Jelar graduan Universiti Malaysia Terengganu (UMT) itu, pengguna perlu menyediari tahap kebersihan rumah selepas melakukan kerja-kerja tersebut.

Ini kerana, pembersihan rumah menggunakan pencuci konvensional mengundang risiko akibat pengguna-

bahan kimia yang terkandung di dalamnya. Sementara itu, menurut Pengarah Teknologinya, Dr. Mastura Mohtar, bahan aktif unik daripada ekstrak lidah buaya dan teh hijau bukan sahaja membersih malah mengharumkan serta membasm 99.9 peratus bakteria kebal dan rentan antibiotik dengan lebih berkesan.

Bahan utama itu juga melindungi seisi keluarga daripada jangkitan kuman.

Justeru, tanpa sumbangan FRIM dalam membekalkan teknologi dan MTDC yang membekalkan dana dalam bentuk geran, mustahil impianinya memiliki syarikat sendiri, tercapai.

Jelasnya, FRIM dan MTDC amat membantu syarikatnya untuk berdiri teguh dalam menyediakan platform yang selesa untuk memulakan perniagaan serta membantu dari segi latihan perniagaan dan promosi produk secara berterusan.

Siapa sangka dalam tempoh sesingkat enam tahun, Nature Profusion Sdn. Bhd berjaya mengembangkan dan berjaya menebusi pasaran tempatan.

Buat masa kini, produk pencuci serbaguna telah berjaya memasuki pasaran tempatan serta mendapat permintaan yang amat menggalakkan.

Malah, beberapa syarikat besar selain



WAN SABARIAH (kiri) dan Dr. Mastura Mohtar menunjukkan ekstrak lidah buaya sebagai bahan utama produk syarikatnya.

Headline	PRODUK USAHAWAN SISWAZAH		
MediaTitle	Utusan Malaysia	Color	Full Color
Date	26 Jan 2015	Circulation	178,211
Section	Supplement	Readership	534,633
Page No	1to3	ArticleSize	2489 cm ²
Language	Malay	AdValue	RM 49,193
Journalist	N/A	PR Value	RM 147,580
Frequency	Daily		

Produk Ciera dihasilkan daripada campuran ekstrak tumbuhan yang unik sebagai bahan aktif, produk disinfektor antibakteria mesra alam ini juga terbukti tidak menyebabkan kerengsaan dan tidak toksik.

Sains Malaysia turut menggunakan produk tersebut.

Dalam masa sama rangkaian produk pembersihan diri dijangka memasuki pasaran dalam masa terdekat.

Dalam pada itu, Wan Sabariah berharap syarikatnya akan terus melakar nama dalam menghasilkan lebih banyak variasi produk bukan sahaja berasaskan bahan semula jadi sebaliknya turut menghasilkan produk organik.

Pada masa akan datang, beliau berharap syarikatnya akan meneroka pasaran antarabangsa untuk pertumbuhan perniagaan yang lebih agresif dan membina rangkaian perniagaan di dalam dan luar negara.

Wan Sabariah turut menasihati peniaga khususnya golongan muda yang berminat untuk menceburu bidang perniagaan agar memupuk minat dalam bidang tersebut.

"Mereka jangan mudah putus asa dengan rintangan dan cabaran selain belajar memahami kehendak pengguna dalam memastikan produk diterima pasaran" ujarnya.

Oleh itu, FMBioSis wajar dilihat sebagai

satu usaha kerajaan melihat lebih ramai graduan bergelar usahawan bioteknologi dengan memanfaatkan penggunaan hasil penyelidikan FRIM.

Program tersebut antara lain bertujuan membangunkan graduan muda yang berpotensi dibentuk sebagai usahawan bioteknologi dengan mengkomersialkan teknologi penyelidikan tempatan.

Program FMBioSis juga boleh dianggap sebagai platform bagi pelajar yang bercadang untuk bekerja sendiri pada masa hadapan.

Usaha melahirkan usahawan bertujuan memanfaatkan teknologi tempatan dan aplikasi kaedah penyelidikan dalam menghasilkan inovasi, produk dan perkhidmatan untuk memenuhi pasaran dalam bioteknologi industri.

Menurut Wan Sabariah, minatnya dalam bidang perniagaan tidak mungkin dapat direalisasikan sekiranya tidak mendapat sokongan dan bantuan daripada pihak FRIM dan kesediaan MTDC memberikan bantuan modal dalam bentuk geran.

Katanya, menerusi program selama setahun itu, beliau bukan sahaja berjaya menuhubkan sebuah syarikat yang berdaya saing malah mempelajari selok-belok perniagaan serta pengurusan sesebuah syarikat dan bagaimana memastikan produk tersebut diterima.

Tambahnya, program FMBioSis yang kini diperluaskan di kebanyakan universiti perl disahut oleh golongan pelajar yang mempunyai impian untuk berjaya terutamanya bagi mereka yang memasang cita-cita untuk menjadi seorang usahawan.

Pembelajaran yang ditawarkan amat berkesan dan secara menyeluruh daripada mula kajian sehingga teknik memasarkan sesuatu produk.

"(Justeru), tawaran tersebut amat sayang dilepaskan oleh mana-mana pelajar yang ingin menceburu bidang perniagaan," kata Wan Sabariah. Jelasnya, walaupun masih baru

bertapak dalam industri, namun berkat usahanya, beliau menerima pengiktirafan serta memenangi pelbagai anugerah antarabangsa termasuk Ciptaan Terbaik untuk kategori Sanitasi atau Kebersihan dari Persatuan Tandas Hong Kong (HKTA) dan Anugerah Pingat Perak Ekspo Reka Cipta Teknologi Antarabangsa (ITEX) 2009.

Baru-baru ini, syarikat itu juga telah dianugerahkan Persijilan Label Eko SIRIM daripada SIRIM QAS International dan sijil halal daripada Jabatan Kemajuan Islam Malaysia (Jakim) yang sekaligus mampu mencetus peluang bagi mengembangkan produk keluarannya.

Mereka yang ingin mendapatkan maklumat lanjut boleh hubungi 03-62625776 atau layari www.ciera.my

Produk Ciera selamat digunakan lembut pada kulit, formulasi yang bebas hipoklorit ini juga tidak meluntur atau menghakis permukaan lantai atau dinding.

agro

Bisnes sumber rezeki

SIAPA sangka minat untuk menceburu bidang perniagaan yang tiba-tiba terbit pada tahun akhir pengajianan di Universiti Kebangsaan Malaysia (UKM) dalam bidang teknologi kimia membuka lembaran baharu dalam hidup Penolong Pengurus Nourish Care, Yun Irma Faizul Effendi Yunal untuk menceburu bidang perniagaan.

Tidak pernah terlintas dalam kamus hidupnya untuk menjadi seorang usahawan apatah lagi memberi sepenuh perhatiamnya kepada bidang yang kini menjadi pilihan untuk menyara hidup.

Mengakui peritnya untuk membangunkan sebuah perniagaan, Yun Irma Faizul Effendi tidak akan pernah berasa selesa dengan kejayaan yang dikecapinya hari ini walauapun produk syarikatnya yang menghasilkan makanan kesihatan, Le'Natura mula diterima masyarakat dan dikenali ramai.

Produk biskut serat yang menggunakan buah mangkudu dan stevia yang dikatakan baik dan berguna untuk membantu pesakit diabetes, kanser, masalah hati, tekanan darah tinggi dan buah pinggang.

Produk tersebut berjaya memasuki pasaran tempatan termasuk di pasar raya utama menjadikan mereka lebih bersemangat meneruskan bisnes tersebut,

Malah pada satu peringkat, Yun Irma Faizul Effendi dan rakan kongsi yang juga isterinya, Aisyah Jacklin Likan Bernabas Baie sentiasa ligat berfikir mencari kaedah yang terbaik untuk terus mempromosi dan menjual produk kesihatan keluaran syarikat mereka.

Antara cabaran yang perlu dihadapi termasuk menukar persepsi orang ramai mengenai diabetes dan terlalu bergantung kepada ubat-ubatan untuk merawat penyakit tersebut.

"Mengubah persepsi itu yang menjadi cabaran kerana mahu melihat pesakit diabetes atau mereka yang mengatamakan soal kesihatan menikmati rawatan atau cara hidup sejáh lebih santai tanpa perlu menelan pil ubat-ubatan.

"Kita mahu orang ramai mengetahui walaupun biskut kesihatan syarikatnya tidak boleh mengubati penyakit tersebut secara keseluruhan, namun boleh mencegah penyakit diabetes dengan menjadikannya suplemen," katanya ketika ditemui baru-baru ini.

Pun begitu, beliau mengaku

minatnya dalam bidang perniagaan mustahil dipupuk sekiranya tidak diterima menyertai program FMBioSis pada 2008.

Menerusi program tersebut, beliau mempelajari selok-belok perniagaan menerusi bantuan teknologi yang disediakan oleh FRIM serta dana daripada MTDC.

Bantuan tersebut membolehkan beliau memanfaatkan peluang mengasah bakat berkomunikasi dengan orang ramai atau pelabur bagi memperkenalkan produk keluaran syarikatnya.

Sebagai salah seorang perintis dalam program pertama FMBioSis, Yun Irma Faizul Effendi mengakui beliau pada mulanya berdepan masalah untuk memulakan perniagaan, apatah lagi hanya berlatar belakang pendidikan sains.

Namun, tiada istilah berputus asa sebaliknya usaha dan semangat kental sentiasa menjadi azimat dalam sanubarinya agar terus berjuang membangunkan perniagaan yang mula disukai itu.

Ini penting bagi memastikan pengguna mengetahui kebaikan produk biskutnya itu.

Dalam pada itu, beliau amat bersyukur terpilih sebagai antara peserta program FMBioSis kerana pengalaman yang diterimanya amat bermakna dan sukar diperoleh.

Menurutnya, program tersebut perlu terus dijalankan bagi memberi peluang kepada golongan siswazah menceburkan diri dalam perniagaan.

Beliau percaya, inilah peluang bagi siswazah untuk mempelajari mengenai bidang keusahawanan secara keseluruhan dan hanya boleh diterima melalui FMBioSis.

Berbekalkan kepercayaan, usaha serta dibantu oleh teknologi bernut tinggi dari FRIM, impian untuk bergelar usahawan berada dalam genggaman dan tidak mustahil negara ini pada satu hari nanti dikenali sebagai pengeluar produk berdasarkan mesra alam yang utama.

Mereka yang ingin mendapatkan maklumat lanjut boleh menghubungi Yun Irma Effendi di talian 03-62610753 atau emel nourish@gmail.com.



YUN IRMA FAIZUL EFFENDI
menunjukkan produk biskut kesihatan keluaran syarikatnya.



Siapa sangka dalam tempoh sesingkat enam tahun, Nature Profusion Sdn. Bhd berjaya mengembangkan empayar dan berjaya menebusi pasaran tempatan."

bertapak dalam industri, namun berkat usahanya, beliau menerima pengiktirafan serta memenangi pelbagai anugerah antarabangsa termasuk Ciptaan Terbaik untuk kategori Sanitasi atau Kebersihan dari Persatuan Tandas Hong Kong (HKTA) dan Anugerah Pingat Perak Ekspo Reka Cipta Teknologi Antarabangsa (ITEX) 2009.

Baru-baru ini, syarikat itu juga telah dianugerahkan Persijilan Label Eko SIRIM daripada SIRIM QAS International dan sijil halal daripada Jabatan Kemajuan Islam Malaysia (Jakim) yang sekaligus mampu mencetus peluang bagi mengembangkan produk keluarannya.

Mereka yang ingin mendapatkan maklumat lanjut boleh hubungi 03-62625776 atau layari www.ciera.my